




Broj: 01/5-02-1-33/15

Sarajevo, 26. 7. 2016.



**PREDSTAVNIČKI DOM  
PARLAMENTARNE SKUPŠTINE BiH  
PREDSJEDAVAJUĆEM DOMA**

Na osnovu člana 48. stav (1) i člana 109. Poslovnika Predstavničkog doma Parlamentarne skupštine BiH („Službeni glasnik BiH“, br. 79/14, 81/15 i 97/15), Komisija za saobraćaj i komunikacije Predstavničkog doma Parlamentarne skupštine BiH je na 26. sjednici, održanoj 26.7.2016., razmatrala Prijedlog zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini, te predsjedavajućem Predstavničkog doma Parlamentarne skupštine BiH podnosi sljedeće

**MIŠLJENJE**

**o Prijedlogu zakona o izmjenama i dopunama Zakona  
o osnovama sigurnosti saobraćaja na putevima u Bosni i Hercegovini**

Vijeće ministara BiH je 24.12.2015. Predstavničkom domu Parlamentarne skupštine BiH dostavilo Prijedlog zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini (u daljnjem tekstu: Prijedlog zakona) za razmatranje po osnovnom zakonodavnom postupku.

Zakonodavno-pravni sektor Sekretarijata PSBiH je 30.12.2015., na osnovu člana 106. st. (1) i (2) Poslovnika Predstavničkog doma, Kolegiju Predstavničkog doma i Ustavnopravnoj komisiji dostavio Mišljenje o usklađenosti Prijedloga zakona s članom 105. Poslovnika Doma i Jedinstvenim pravilima za izradu pravnih propisa u institucijama BiH. U mišljenju je navedeno da Prijedlog zakona nije u potpunosti usklađen s članom 105. Poslovnika Doma i Jedinstvenim pravilima za izradu pravnih propisa u institucijama BiH.

Kolegij Predstavničkog doma je na 23. sjednici, održanoj 29.12.2015., kao nadležnu komisiju za razmatranje Prijedloga zakona odredio Komisiju za saobraćaj i komunikacije Predstavničkog doma (u daljnjem tekstu: Komisija).

Kolegij Doma je, 30.12.2015., u skladu s članom 105. stav (6) Poslovnika Doma, predlagачu zakona uputio Mišljenje Zakonodavno-pravnog sektora i zatražio od predlagачa da u roku od sedam dana ispravi uočene nedostatke.

Vijeće ministara BiH je 25.1.2016. Predstavničkom domu Parlamentarne skupštine BiH dostavilo Prijedlog zakona sa ispravkama, te je 17.2.2016. dostavilo neslužbenu verziju prečišćenog teksta Prijedloga zakona.

Ministarstvo komunikacija i prometa BiH je 19.7.2016. dostavilo Mišljenje Direkcije za evropske integracije o usklađenosti Prijedloga zakona sa zakonodavstvom EU, napominjući da se predmetnim prijedlogom zakona nije vršilo usklađivanje s propisima Evropske unije.

U mišljenju Direkcije za evropske integracije navedeno je da nije moguće dati ocjenu o usklađenosti Prijedloga zakona s pravnom tečevinom EU, jer se izmjene i dopune teksta Zakona osnovama sigurnosti saobraćaja na putevima u Bosni i Hercegovini odnose na preciznije definiranje određenih zakonskih odredbi, te je analizom sekundarnih izvora prava Evropske unije utvrđeno da navedene izmjene i dopune nisu regulirane pravno obavezujućim aktima Evropske unije.

Komisija je na 26. sjednici, održanoj 26.7.2016., u svojstvu nadležne komisije i u prisustvu predstavnika predlagača, razmatrala Prijedlog zakona u prvoj fazi.

Nakon rasprave, Komisija je, sa pet glasova „za“ i dva glasa „suzdržan“, podržala principe Prijedloga zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini.

Komisija je jednoglasno usvojila sljedeći zaključak, koji upućuje Predstavničkom domu na usvajanje:

Predstavnički dom Parlamentarne skupštine BiH zadužuje Komisiju za saobraćaj i komunikacije Predstavničkog doma da u roku do 45 dana provede Javnu raspravu o Prijedlogu zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini.

  
PREDSJEDAVAJUĆI KOMISIJE  
Momočilo Novaković

Dostavljeno:

- Kolegiju Predstavničkog doma
- Indoku
- a/a